

欽定四庫全書

集部

景文集卷一

詳校官侍講臣王燕緒

檢討臣何思鈞覆勘

總校官候補中允

臣王燕緒

校對官學錄

臣謝登雋

膳錄監生

臣汪國均

御製題元憲景文集並各書其卷首

宋庠宋祁兄弟同負盛名且同舉進士時以大小宋並稱乃其官位一至宰輔一為尚書事業所就既殊情性亦奢儉各異故其詩文沈博新警因各隨其性之所近而為世所傳誦則同及戒其子不令刊類文集行世亦同迨其後雖經合刊繼而仍歸散佚又同茲復裒輯成集並以聚珍版印而流傳之又無弗同其同不同之故庠與祁固無能知之余亦烏從而知之然其散也由于自欲韜晦而其聚也幸有永樂大典之僅存佚之于七百餘年以前宋天聖至今七而完之于三百餘年以後明永樂至今三則又復歸于同余因合題一詩並冠於兩集簡首更使之不同而同則向之所謂同不同者皆可勿深論是之謂大同

二宋合刊曾紀王宋嘉定間郡守王允初倡議欲合刊二宋集以屬郡文學陳之強米就而去其後太守陳希綱惜哉分集失傳詳學如有本終難資刊成之見之強序

晦行不負言久益彰伯也孤風標雅操仲兮強識富文

欽定四庫全書

景文集

章雖稱儉過及奢過弗愧元方與季方收拾碎珍得全
冊吟題七字冠前行休嗤大典紛紛割裂愛禮幸茲存饒
羊

欽定四庫全書

景文集
御製詩

三

欽定四庫全書

集部三

景文集

別集類二 宋

提要

臣等謹案景文集六十二卷宋宋祁撰祁字
子京開封雍丘人天聖甲子與其兄庠同舉
進士累官翰林學士承旨謚景文事蹟具宋
史晁公武讀書志謂祁詩文多奇字證以蘇
軾詩淵源皆有考奇險或難句之語以今觀

欽定四庫全書

景文集
提要

一

之殆以祁撰唐書彫琢剗削務為艱澁故有
是言實則所著詩文博奧典雅具有唐以前
格殘膏賸馥沾白靡窮未可盡以詰屈斥也
陳振孫書錄解題又稱祁自言年至六十見
少時所作皆欲燒棄然考祁筆記有云年二
十五即見奇於宰相夏公試禮部又見稱於
龍圖劉公蓋少作未嘗不工晚年特為進境
至於陸機之謝華啟秀韓愈之陳言務去以

為為文之要則其生平得力具可想見矣祁
曾戒其子無妄編綴作集使後世嗤詆今據
陳之強原序所稱知在嘉定時安州守王允
初等曾將二宋集合刊但序內僅稱其言八
十餘萬未經析及卷數祁本傳稱集百卷藝
文志則稱百五十卷又有濡削一卷刀筆集
二十卷已與本傳不符其餘如范鎮所作神

道碑馬端臨通考則俱稱百五十卷曾鞏隆

欽定四庫全書

景文集
提要

平集王偁東都事略陳振孫書錄解題及焦

竑經籍志則俱稱百卷鄭樵通志則止稱七

十八卷唐庚序則稱二百卷因集已失傳記

載互殊莫詳孰是陸游集又載祁詩有出麾

小集西州猥藁蜀人任淵曾與黃庭堅陳無

己二家同注今亦不傳近人所輯北宋小集

中有西州猥藁一種乃從成都文類瀛奎律

髓文翰類選諸書採輯而成非原本也茲就

永樂大典所載薈萃哀次釐卷六十有二雖
未必盡還舊觀然名章鉅製諒可得十之七
八矣祁兄弟俱以文學名當時號大宋小宋
其兄庠遺集已從永樂大典採綴成編今祁
集亦於蠹蝕之餘得以復見於世雖其文章
足以自傳實亦幸際

聖朝表章遺佚乃得晦而再顯同選

乙夜之觀其遭遇之奇良亦非偶然矣乾隆四

欽定四庫全書

景文集
提要

十九年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

景文集卷一

宋 宋祁 撰

賦

園丘賦

若夫天地之區既奧而腴王者所以作京焉神明之隲
匪攻而築上帝所以定位焉我朝之擁歸運也譏函鎬
保界之陋鄙周維淳潛之淵乃據梁之芒芒偵河之渾

欽定四庫全書

景文集
卷一

渾畫邦畿之千里于以宅天子之尊然後翼翼乾乾作
邦孚先禘其祖之所自出分遂有事乎昊天占國南之
七里得高丘之崛然自乾寓之初闢保坤靈而不遷藏
偉兆于遐葉震元符于茲年此烈祖所以哀神之對神
宗所以旅物之蠲真考之所陟降丕后之所周旋謁列
聖以烝衍總萬靈而賓筵翕降監之厚福焯巍巍而亡
原則晉攷卜乎委粟漢盱蠻乎甘泉曾不得望我之末
光絕炎況並驅而齊肩哉敢問園丘之狀也其何如矣

廣矣大矣畧可詳矣上崔嵬以鬱律兮外博敞而神麗

邇朱鳥以高蟠兮概瑤魁而哀峙休氣回復乎其椒兮

紫泉滋滲乎其趾醜醜不若泯伏于其遠兮神明肅然

離衛乎其適于是攘之辟之其蓄其翳修之平之其坎

其畷上三陔以積高外四門而疏陞列道糊頡重營界

紫無縮版以作勞不藉屬而昭侈因天質之自然非人

力之攸致率兮似高山之在周邦截焉若隆腫之亘汾

澁及夫涓日肇祀于郊之宮陶匏尚質金石有容璧英

欽定四庫全書

景文集
卷一

縟以蒼蒼兮鼎歆雲而隆隆百神服食蔓衍乎坎間兮

有司守燎聚爛乎璣中穆穆天子相維辟公咸盛氣以

彊力相升降兮穹崇披大紫之莫莫招翠黃之雍雍合

蕭蕭于欽柴曳高煙乎璣穹塞天淵以墮祉奮光明于

無窮竣乎已事罔有不恭若乃自內出者無匹不行自

外至者無王不止故我率乎祖而推本正乎位而升配

使禮動乎上則神饗樂交乎下而人喜畢九州以獻力

罄一純以盡意君子曰觀天下之物無以稱其德所以

因天事天取至誠為貴則斯丘也實國家集福之清場
事神之寶時國聽之所憑厚靈心之所翔會駐鯢寶于
颺欵貴萬圖之方志彼草樓列仙之館像設梵王之廬
豚蹄種祠之託鱗長九淵之居皆祠官之細祀族之餘
尚且落成者鼓吻而極嘆乞靈者舐筆而爭書叛宣父
以語怪溺丘明之好巫獨園丘歸而遺美寧儒者伯儗
而未之思歟遂作頌曰屹圓壇赫眈眈大盤盤兮君之
升帝是饗羣而安兮禮無違福不回委如山兮聖繼聖
欽定四庫全書

景文集
卷一

三

萬斯年長監觀兮

陳州瑞麥賦

并表

臣某言伏以厥田惟上界王國之右藩以穀俱來告我
年之紀瑞事昭邦緯美溢農書恭惟皇帝陛下茂擁蒼
祺恪經善物弄漢田而勸嗇揉神耒以訓勤危有九官
務盡耕耘之法地雜五種深防水旱之虞屢勅攸司勸
登宿麥至誠上達嘉氣下翔發為兩岐告成八政田祖
有神而侯應守邦作繪以來圖庀穗孔蕃天心為豫並

詔儒館交校頌章良史必書無謝歸禾之命升歌大備
遂高多稌之詩臣位屬冗閒辭流澁訥隔從臣之品無
預奏囊效遊童之謠亦均嬉壤冒聞黼几集懼嚴淵謹
夙夜齋戒撰成陳州瑞麥賦一首隨表上進賦曰

冠三輔之上者莫過于陳接五穀之乏者孰先于麥當
乘離之令序挺降甦之瑞殖盛氣雲鬱混鱗隔之初霏
密穗金繁動星田之霽色兩岐旁秀六穗牙出厥華尤
尤厥穎乘乘田畯奔告守臣駭觀仰來以圖恐上送官

欽定四庫全書

景文集
卷一

四

他穀弗書視麥禾之最重吾王攸助知稼穡之惟艱沫
北爰采罔助乎力農闢中益種無聞于錫祉詎若天極
歸貺神明效異偕蕃椒之盈升配命禾而合穗迎層宙
之休氣冠中田之嘉穀繪我于瑞圖辨我于凡菽蒙至
尊之渥惠播新聲于絃次上可以薦清廟之馨品下可
以助外饗之食劑

皇帝後苑燕射賦

并表序 案仁宗本紀不載後
苑燕射事此賦首云執徐統歲

當是天聖六年甲
改國子監時上

臣和言伏聞今月九日幸後苑詔宗室賜宴射弓者氣
肅商旻神清漢藻展懿觀而合宴講王射以侑歡常武
是經良辰飾喜恭惟皇帝陛下靖嘉民極勤訓道樞鈞
衆志以惟精又永圖而無逸夾輔蕃屏立愛于周親夏
屋權輿示慈于鎬飲乘九秋之盛集修六耦之帝容終
日射侯不出正而命中嘉賓式燕實厥籩以奉將洽公
姓之樂胥疎臣鄙之詠嘆多儀有煥在古罕偕臣位屬
冗閒業專講肄久陶景化竊耳大猷敢萌誦聖之心仰
欽定四庫全書

景文集
卷一

五

企強名之作感緣中發雖極朴于四支音以叩頤更增
羞于五降謹夙夜齋戒撰成皇帝後苑燕射賦一首繕
寫隨表上進

臣聞義圖肇畫諸睽取星弧之象周文彌郁大樂著天
駒之節諒以四方為志本男子之事一張作武震王者
之威自秦制專私漢道云雜徒存燕射之舊禮罕聞明
辟之親御惟魏祖畋南皮之野一日射雉獲六十三頭
史筆詭其妙文成避靈丘之區仰山發矢高四百餘丈

琰刻旌其處是皆殊絕之說遇本非揖讓之多儀據其
暑經僕我嘉會恭惟皇帝陛下載膺周之陳錫紹放唐
之丕律高拱巖廊之上丕冒環海之表百執之駸奔走
無或曠官四方之大和會不知何力于是外朝夙退杪
秋告豐慶重合之陽名申式邀之夏具披虎落之囿會
麟定之親始講射侯之容將明潔解之禮若其天威粹
使帝表胖正雕弓栗荷儼若有容棲鵠畫正君然命中
歡聲回商瑄之肅餘勛助霜旻之高宗室奉觴以次稱

欽定四庫全書

景文集
卷一

六

壽僉謂天挺其武所以輔文之縟事本于禮所以綴樂
之諧蓋陛下財成大猷冠卓千古是而弗紀有司之過
也失言以文遠功由賦宣不有作者將何述焉其詞曰
執徐統歲少皞司秋月著授衣之令日紀吹花之游儂
盤露變神闕雲浮田畯告茨梁之獲鄉童啟豫助之謳
上乃留矚良辰載懷茂苑呼蹕複道回輿帳殿望葱鬱
于麟輒披陰岑于虎園踰鳳遙邈相烏細轉涼翠下長
楊之宮暝紫入棠梨之館千門洞接九幄霞連周邦則

伯叔之懿漢家則肺腑之賢相趨規地難進瓊筵儼飛
綏而交弭森委珮而凝銅川醪溢泛騎炙紛傳湛其露
而在草需有雲而上天先是司射謹官梓人庀具飾虎
進侯張狸設步上幹下幹之交維三乏三正之並樹排
崇旌以虹施畫廣棚而雲布并夾並儲決拾相旅戎物
孔揚戎儀用光剡矢薦于夏簾彫弓出于扶桑彩五施
而列暈歌九節而升堂萬乘來御羣心樂康弦隨月上
弓與天張姬周則多材之主湯乙乃甚武之王有翼有
欽定四庫全書

景文集
卷一

七

左詘右之能項發口縱之異或合宴序賓或算多與祭
公用隼而射墉觀如牆而揚解中則得為諸侯爭有似
乎君子然特人臣之善容未識我皇之射意若夫修五
常為弓矯百度為矢總黎獻以樹的罄綿區而除位參
天地之控引順陰陽而張弛一發則英雄在數虛撫則
蠻夷斷臂豈徒鵠為小鳥取難中之名騶曰仁獸樂庶
官之備而已哉是日太師閱樂酒正徹觴辰旋回指歸
于未央

欽定四庫全書

景文集
卷一

八

上苑牡丹賦

并序 樂賦係天聖七年
初為國子監直講時上

臣聞天以蓋高為質不待言以達意物以非常為感不
擇物而效瑞故日月得之為見象草木得之為鴻英堯
則蕓草蒔陸陸漢則玉芝秀池雷桃天吳室家之盛蓼
蕭著王澤之廣託寓雖細貺施甚明聖上即位之七年
春三月內苑出牡丹三種特異常卉其一雙頭并幹其
二千葉一房其三二花攢萼附足甚大葩色正紅蓋上
帝博臨之都休精回復之地襲百昌以挺出震殊應而

沓臻聖上美茲嘉生載延睿賞有詔侍從咸俾陳篇良以天瑞來皇襟豫物宜遂頌聲作其崇丘行葦之比乎都荔桂華之儔乎下臣無庸竊耳嘉致飾是蹈舞永為文詞不敢預枚臯之倫庶將備道人之採賦曰

夫何牡丹之挺育冠羣葩以擅奇歷上古而隱景逮中世而揚蕤桐君之錄分留莫余毒謝客之詠分蓋殊爾知有隋種藝之書疎略而未載子華繪素之筆彷彿而傳疑蓋神明其德故隱顯從時昔也始來由皇唐之綴

欽定四庫全書

景文集
卷一

九

賞今而薦瑞儀我宋之重熙徒觀夫強幹深根交柯委質賦理內滋夸容橫出材無用兮不取美于匠目子非甘兮不見傷于口實懷香馥郁結蔭葱密讓衆卉之先榮燦靈華而後出鮮苞星布丹艷霞蔚雜雙行之重錦銜已文之兩翬挹仙掌之承露遡咸池之浴日莫不玩之者怡神攬之者蠲疾彼芍藥萱草之凡材穠李標梅之俗物杜若騷人蘭香燕姑曾不得齒其徒隸况與之論其中乙哉于是圭莖密清瑞殖欣榮翠華雷豫清蹕

天行眷大造之昭合慶神物之財成粵雙跗之特異與合幹而同名為貴于多何如千葉莫斯為盛誰比三英信夫顧神縣以隋社更珍坤而炳靈匪一花之取貴蓋萬物之厚生于是宸矚灑然羣心樂只詔從索以均賞肆詩風而飾喜且其鋪觀往圖各祛茂祉胡不出于下土而出于京師胡不萃于異品而鍾于花卉臣愚不識請占之天意若曰雙頭者兩宮之應同德之象馨香升聞億兆攸仰千葉者卜年之數永命所基宜爾子孫以

欽定四庫全書

景文集
卷一

十

大本支三花者品物盛多黎庶蕃庶德宇宏被恩腴周普有一于此尚可咤丕應奮終古况凝層昊之協氣萃上林之敏樹重葩疊葉凝丹絢素迥顯若之龍顏間娑然之鳳羽亦由芝房之唱升漢之郊廟桃花之行著唐之樂府上方執冲德合鴻猷特以人瑞為應不以物瑞為尤則是花也聊可玩于耳目故雖休而勿休

皇太后躬謁清廟賦

并表
景仁宗本紀謁廟
時和直文館在明道二年

臣某言伏以邁迨考者雅人歌其匪棘能事神者書茲

美其多材况祇歎廟祧宸對宗綱宣治馨而有鈇恍愴
嘆以如聞從昔所難乃今具舉恭惟皇太后陛下至仁
兼愛柔道體元保育長君就成聖德出入一紀鞏固萬
樞黎苗偃化則澤從雲游殊鄰結好則倚若天等三光
儲發斂之度百物遂零茂之宜且念措多方之治平皆
真考之遺法成功不薦審訓謂何亟詔攸司屬圖新禮
躬按天飛之馭並會月游之度萬羽蹈揚禋章參亞逮
晏朝而已事因列聖以居歆薰然至和入金匏而成象

欽定四庫全書

原文集

十二

錫之多福塞穹壤以無垠臣屬在陪祠職當汗簡輕率
斐狂之思少裨舞歎之餘敢露懽悰自忘樸學謹夙夜
齋戒撰成皇太后躬謁清廟賦一首于清宸覽
聞夫祀以息民王假有廟昔人美而稱之殊不知榮盛
之香所恃者昭德祝史之薦不愧者信辭濟濟非盡志
之貌翼翼為多福之基然未有被精意燁鴻儀仰瞻丹
楹則裕而後獻俯奠嘉玉則告而不祈非聖后之有作
時能出千古而昭豐規哉於皇齊聖紹天祚命佑育我

長君財成我庶政十有一年綿區底定且曰予惟膺真
廟之託耿列聖之光投艱夙夜罔或怠違幸三邊無誰
何之警萬物躋仁壽之場若使成功不告則春秋祇事
無以奉承審訓而享我先王丕顯明辟孝愛兼極將順
德音爰告方國列保廕于親慈諗勤勞于聖職粵若朝
多吉士位靡瘝官乃承乃躬為屏為翰薪有芄棫河無
伐檀此則聖后備陶姚則哲之難也清問下民哀矜庶
獄興列化條恢疏綱目杜其牙角保我墉屋此則聖后

欽定四庫全書

原文集

十三

有成康措刑之速也每歲命使繼好龍庭輶輶相銜厥
角相平罔投以餌罔繫以纓此則聖后保漢宣撫和之
盟也能仁精廬聖仙福地有種子祠有歆于類莫不發
少府之藏賁萬楹之麗此則聖后奉唐家戒禧之至也
恭則易優儉斯少欲金玉不鈞于上方之器纂組不麗
于三宮之服別苑無從禽離宮無改築此則聖后守黃
老清靜之躅也至于熙百志又萬樞粹與天謀沖與道
俱朝未昕而晰燎夜已乙而觀書尚且勤勞勵翼輯闕

衣而按羅圖是以長樂之記彤管之史休功懿績紛綸
填委雖巧勞與智憂邈無階而勝紀是宜格祖謝成有
齋恤祀答在天之丕覆擁如山之祕祉于是方岳投頌
臣鄰肆儀增蔽旒于法見加緡采于禕衣皆宸心之參
定掩前聖之未思乃以仲春吉日曳九旗參六螭雲罕
前導王軼下馳羲和掃霞以登照雨師沈景而藏霏攸
徂之民注耳傾目者以萬計惟恐屬車之行遲寶輅徐
動雲簾四垂翟茀颺乘次于難翹之省莫不移穆肅肅

欽定四庫全書

景文集
卷一

十三

按周道而翳華芝有恤閼宮光昭帝容百工如繡廣樂
成宮咀芝英以自潔秉葵首而有融鸞刀驕然刑麗牲
以升几玉瓚猷洞湛明水而函空邊豆惟旅劒芑相從
徧七室以沃灌罄一德而虔恭星妃備亞獻之列月后
謹三酌之容二告文答萬祥來同然而歸蕃釐于嗣帝
讓懿鑠乎祖宗是以祕祝私請無一當于聖躬寧不謂
慮危以安保盈以冲雖古之任姒馬鄧區區述美曾不
足踵武而齊風樂閨禮成回輿而歸天子乃肇率籲之

固請建丕稱而揚徽拜奉瓊冊內薦椒闈上公旋節以
焜照羣臣冠劍而陸離遂鴻名于茂實儼天樞之巍巍
已事而詔曰我之此行務達至誠不豐于昵不有其名
惟齋心以交肸蠁惟合漢以侑神明然重勞百執之尤
事聊第賜于公卿若夫策勲舍爵茲事體大則侯夫皇
帝之躬耕

右史院蒲桃賦

有序

癸酉之仲夏予受詔修書寓于右史院綯繹多暇裝回

欽定四庫全書

景文集
卷一

十四

堂除有蒲桃一本延蔓疎瘠垂實甚寡予且玩且惜以
為省戶凝切禁廷敞間人不天摧禽不栖喙與平原槁
壤有間匪灌漿宿莽所干而條悴葉芸不為時珍何耶
得非地以所宜為安根以屢徙為危封殖浸灌信莫非
願因為小賦代其臆對云

昔炎漢之遣使通西域而始通得蒲桃之異種偕苜蓿
以來東矜所從以至遠遂徧植乎離宮去葱雪之寒鄉
託靖函之福地並萬寶以均載厯千古而舒粹玩之可

使躅煩食之足以平志不由甘而取壞迺因少而獲貴

鄙柚包之輕倪賤蔗境之塵滓粵何人斯殖我于茲託

深巖之祕署切軫輶之丈棧培孤莖以膏壤引柔蔓乎

標枝泉石渠以蒙浸露金莖而注滋布涼影于月宮獵

重葩于禁颺蔽周廬之岑寂隱肅唱而逶迤彼得地而

逢辰宜欣欣以茂遂奚敷華而委質反慘慘而茲瘁乏

磊砢于當年讓紛華于此世是必野荻非層掖之玩菲

實異太官之味困枳橘之屢遷嘆匏瓜之徒繫亦猶鬱

欽定四庫全書

景文集
卷一

五

柳有性不願栢樅之華海鳥取容非榮鴈酒之饋胡不

放之巖際歸之壠陰上敷榮于樛木外結庇于緇林蒙

煙沐霧跨野彌岑豐茸大德之谷栖息無機之禽保深

根以庇本誠繁實之披心窮天年以善育奚斤斧之可

尋辭曰階藥街華堂堂爭麗枝以萬年為名木以五衢

稱瑞是皆託中涓以進藝荷鈎盾之為地結實心以自

如非孤生之所冀

景文集卷一

欽定四庫全書

景文集卷二

賦

宋 宋祁 撰

古瓦硯賦

有知己者貺予以古瓦硯一枚溫潤可嘉寶玩無斁感
物銘惠因為賦之其詞曰

粵有雅器以硯為諡本飭瓦之微物荷坯陶之洪施嗟

欽定四庫全書

景文集
卷二

一

興廢之靡常念終始而殊致昔何為而湮沒今何為而
見異得非大厦雲構飛甍山峙凌霧概日橫鄧蔽里宮
竊窬而相屬闕觚稜而叢倚敞金谷之為樓會叢臺而
成市莫不狀翠鱗而隱軫浮青煙而旖旎陽鳥結阿以
上承玉女飛腮而下視忽代往而棟撓俄人非而室燬
遇昆陽之飛屋逢霍家之徹第化魏宮之鴛翼災伯梁
之魚尾於是星墜冰散光沈物遷狼籍舊園沉埋野田
失蚪檐之瑞色掩銅甍之餘鮮朽環晦兮何日縹苔封

今幾年或深耕而出壠或被發而當所詎毀方之可冀
甘勝注之長捐何智者之胥會爛奇姿之下顛感無情
之舊物將有用于羣賢爰究爰度載磨載鏘因其藏以為
受即其陋而成妍我質具矣幽光粲然純漆俾黑潤珉
訂堅謝泥塗之幽處升文史之長筵或免穎而前試或
雞距而相鮮荷提攜于手澤涵文飾于言泉若乃尼父
作經太冲能賦伯英臨池王充置柱君苗未之焚棄范
喬見而悲撫雖寶肆之非齒幸哲人之攸御摩頂至踵

欽定四庫全書

景文
卷二

三

分墨之徒將效勤于斯語

臥廬悲秋賦

澤國秋早霄垠夜涼孤雲度隴流水周堂榆兼柳以同
晚李與桃而代僵初收白羽尚展流黃城上星殘烏八
九而生子林間露滴鵲十五以成行有客伊何于茲戾
止左思洛中之僖父蕭育杜陵之男子濫遷幕廷寧磨
梢鼻昧狗曲之禮歌陋雞棲之車柅結課歲殿勞形日
悴銜箋數以未容給侏儒而幾死江淹本恨宋玉多悲

撫彫年之易晚嗟芳物之行衰冀風械以生字娥月皓
而侵帷寥寥鴈引唱嘒蟬嘶壯士抱翻車之嘆長年有
落木之悲況乃軟掌孤官棲遲下館市門逞誚於刺繡
冰氏見排于挾炭根同江北之移病比漳濱之竄惜惜
臂肉已先家令之銷種種顛毛弗翅齊人之短感鵲鳩
之妬芳慙鵲雞之申旦本無情于時遇誤策名于王府
謝胥臣之多聞有倪寬之懦武感慨中發驅馳自許凝
絳采于蔽翳受正聲于韶護均挫鉤之重輕督絲繩之

欽定四庫全書

景文
卷二

三

規矩暴皜皜于秋陽抗喈喈于風雨顧有志于佐時惜
無津而事主令伯之內轉難期盛憲之多憂有素翫瑤
草之變哀恐娥眉之遲暮豈知孤臣弔影客子迴腸心
隨波蕩愁並斛量數日惡生感離情于太傅二毛颯變
動歸興于中郎織素非五大之速舒喙無三尺之長願寫
情而復獲徒掩袂而浪浪

感交賦

并序
景文
卷二
糖四年
柳在安陸時作

夫浚井冽泉物之利也甘至而先竭芳膏煎蘭用之美

也明極而自銷信哉是言吾見于太原王生矣生名賀
字贊竟其先太原人也襟度冲粹風規凝簡左右就養
慕嬰戲以為娛卓犖觀書恥章雕而習巧學殖滋大聲
譽駸馳由是四充賦于賓賢一奏御于宸覽引商之曲
始寡和而攸稱躍冶之金終不祥而見棄而君曾靡屑
慮噴無尤言仁不中而反求氣至剛而無害怡處宮畝
生道道腴既閑且馳水曲之鑒有節不怨勝己嵒山之
箭乃深天禧元祀予以父怙纏悲窮閭削迹企人室而

欽定四庫全書

墓文錄
卷二

四

孔邇卜親鄰而有初而君不我遐遺惠然肯顧切偲之
義彌篤譬盍之情在茲乃至劇切藝文推明友契分山
霧之餘潤襲畢蘭之一薰恩斯勤斯或推或輓俾恣煩
之有賴非哲父而疇依而君姿質素羸少小多病過鄭
吟之三歲甚淖臥之十旬越明年春食劑愆和暨膏肓
疾重繭下冰而已甚邪風造熱而迭攻六氣之沴交臻
九折之醫靡效革帶移眼悵仙骨之惜惜葆髮悲秋悵
餘陰之奄奄一日予往候其疾生舉手而言曰吾殆將

死矣胃臆結轆血氣周憤楚魂外散蜀肺中焦自茲恐
不得復見因泣下數行夏四月卒年三十有七行路興
歎朋遊隕泣齋志沒地馮生之恨何窮積憂傷人盛憲
之年不永直念古者異世同悲謹按君雅行素隆華胄
相繼高節應世暴秋陽而不渝奧思際天恥筆悅而增
飾雅善談理素樂名教執雕虎之疏賤未嘗動心視龍
斷之富貴介然不屈加以累世清白四壁徒立北堂垂
喜懼之歲東陂乏膏腴之產而君夷險一致欣然忘貧

欽定四庫全書

墓文錄
卷二

五

范雲之室無姬姜令伯之晚有兒息逮夫議園失利綿
痼相乘霞朝霧夕之沈歡范雪臺風之悵別醒憂游委
殤壽弗延恍兮鬼伯之來催偃然石室而長寢美志弗
遂永懷李廣之數竒遺文頗多當類偉長之不朽人之
云謝今也其亡先是君娶范氏末年生子未百日而君
沒范既早寡擁樹而歸庚申歲予南涉大江戾止斯郡
訪君之孫已三歲矣天骨特異童游不雜諒夫善慶之
所積宜其孝謹之不衰貌是若人庶乎必復墓木將拱

州來之歎曷勝青簡尚新秣陵之言永已追為此賦式
用寄懷敢同劉峻之廣交聊代山陽之感舊收紙長想
屬思不文共詞曰

惟天地之肖貌鍾象數之最靈幹五行而宅秀攬萬物
以儲精粵亨會之昭合倬思皇而挺生聯秀驥以服輓
造儀凰而舞庭謁媚天之吉士煥入穀之羣英嗟若人
之間傑何邁時之熙盛襲淮水以啟胃追汾陽而薄景
統三變之至道凝四端之粹性貌我我而突弁衣檐檐

欽定四庫全書

卷二

六

而方領馳妙譽于邱嫂掩多奇于汝穎出乎類以拔萃
砥其言而勵行軼士林以橫步邀霄塗而高騁直協華
之啟旦頒深詔而求治鬻公車以千數集橋門而萬計
莪菁菁而載育新翹翹而咸刈革呦呦而鹿食場皎皎
而駒至彼君子之修業奉泉舉而論藝馳一封之漢車
冠百朋之周士紛采采之雪裳謫諛諛之帷被家抱玉
以相矜言盈庭而可畏獨夫子之卓爾憤愚儒之翕訾
決辯濤以四出軒意霞而中起盤百鈞而不跪投千牛

而彌銳羣心惕以解體衆口喏而矐視將一鼓以作氣
以十手之所指蹇登薦于王府羣萬有而來洎混如涇
渭之合雜若蜩螳之沸或臘彈以勤請或金膏而將意
惟夫子之介然謂衆謀之非題含清唱而靡應據中道
而不倚惡登牆而棲處恥畫墁而食志苟爾功之可圖
非吾人之所履企造天之華閭爰奏技于嚴宸皇不察
予之中誠汨旅退于下陳無左右以為助雖隨和而孰
珍虎當闕而逐逐犬迎吠而信信敏高足於要津反初

欽定四庫全書

卷二

七

服于私門宮一畝以卻掃案三杯而食貧雖埋照于流
俗愈抗情于曩真庶桑榆之可收奚嗜慾之足馴咨余
生之最芮昧賢達之高致屬詎創以集蓼委顏齡而歸
里聲不高于鄉品志方謀于遯尾何夫君之淵識外當
世之流議續伐木之高矩締忘言之密契始告導于忠
善終博約于文禮義益高而薄雲言志美而成市霜雪
零而彌凋風雨晦而不已尋越盟於戴笠泛牙絃于流
水我有實而子採爾有規而吾佩期左提以右挈俾盡

善而又美優聖域以襍裳賓帝門而結軌愍人生之多
故撫物化之靡常何夫子之稟質鬱中乾而外彊廣十
旬而寢疾偃四支而在牀餌惡石以無徵指餘陰而激
揚烏發識以入室豎興妖而在育眷壽母之垂老撫孤
孩而增傷心念後而惴惴淚垂睫而浪浪啟手足以自
顧何命促而意長慨朝露之溘至入脩夜之不暘嗟天
理之緘然云禍盈而佑吉監至高而在下網雖疎而實
密何夫君之重道遭六極而生疾收華藻於中春頓遐
欽定四庫全書

景文集
卷二

八

蹤于逐日昔二人之同心今一臂而相失望森森之美
積歎蕭蕭之遙所豈死者之可作徒興歎於九原脫亭
畢之珍木淡隴首之長烟日西匿以風戾鴈南翔而露
圓仰泰素之收神哀拱木而歛魂瀝酒綿之薄奠撫墳
草之陳根舊館闌以無覩遺書散而罕存投空文以長
想盡萬代其何言

送將歸賦

戲秘閣
李運臺

湖長波之齋渚面層巘之嶽崎逗商飈之迅籟上岵日

之浮暉問駕言其焉往戲我友兮川湄閔征夫之云邁
值彫年之行晏花戢芬以去條葉扶槁而連幹氛曠曠
其既興露溥溥而復沍切寒蜩之暝唱驚離鷗之晨轉
蹇祇役以偕歡差感物而逢歎于是行子輟艫居人停
轡瑤軫徐泛金壘參洎判一笑于聯坐結兩感于殊里
矧民生與代故常回次而交疾譬特筵以偶極寧有望
於如志甫論咫以希泰俄較尋而得否否老超境以逐壯
憂涉域而追喜苟外物之迭攻歸吾衰其焉避執于祛
欽定四庫全書

景文集
卷二

九

以遷延耿予懷之淹邨越層瀝以斜趨薄深林而戰慄
虎號羣以擇肉蛟流涎以尸室美哲人之蒙險方愛主
而委質視呂梁其安流蹈太行猶通術亟之帝兮樂胥
保玉體而逢吉

歲云秋賦

予所悲兮胡獨悲此凜秋時荏苒以就頽今年崢嶸而
行休邈西顙之突遼兮噫長風之颼颼視天根之煒煒
兮湛寒潭之漚漚露既肅其早淒兮霜又申以凝冷號

陰蟲之夕韻兮流腐燐之宵景病晚馥於菊涯兮委孤
秀于蘭町矧梧楸之脆根兮與蒲柳之殘境槭芸黃以
一概兮攬吾懷之耿耿懷耿耿其可奈兮駭山西之日
薄無翻車之趨壯兮氣黯黯而逾索憑八垠以舒眺兮
嗟萬彙之摧斥意忽忽為慘端兮襟浪浪為愁宅苟流
節之不停兮我安得美好之如昨丹去顏以既易兮編
尋領而胡亟世無媒以求援兮言愈勤而理隔憚信誓
之未同兮不察吾之中誠歎期變以遷次兮涕泣焉其
欽定四庫全書

景文集
卷二

十一

流縷離鴻翹其高飛兮羈獸駭而長鳴視河漢之傾軫
兮突浮雲而繁興觸羣媚以自持兮恐容華之生零雖
生零其胡卹兮歲實為之遲暮秉直質以偶俗兮如望
朔而趨楚挾蕙茝之神奇兮固蒿藋之遙沮竭來兮守
故居姑彷徨而容與

窮愁賦

粵余生之不造兮獨遭命之險艱竄衡閭而伏處兮撫
隆墀而永嘆哀靈根之早逝兮駭危喘之將殘收離散

之餘魄兮倏崢嶸之暮年骨久病而支離兮步數蹇而
蹢躅謝掩鼻而愈濁兮蜀肺焦而益煩紛種髮而弗理
兮叢黃貳而鮮歡據惠梧而夕暝兮頤侯釜而朝食未
適館而既散兮屢履霜而又穿欲正冠而巾析兮乍僂
腰而帶寬身繫匏而待食兮心溺灰而未燃陋有子淵
之巷餽無考父之醴乞墻間而不足兮病河上而相憐
魚躍躍以游釜兮雀啾啾而在門朋瞽日以益衰兮暮
強邈而罕存候羲取以盆覆兮俟江波而轍乾出怙悵
欽定四庫全書

景文集
卷二

十二

以自失兮入齋咨以含酸乏載車之饋饌兮整使鬼之
妖錢啓勞府以深憚兮知茲路之良艱被珍鬋地計切以
鬻戎兮肅南轅而湊燕揆苦入反膠柱以鳴瑟兮逆上坂
而走丸安鑿枘於齟齬兮屈杞柳於杯圈株有免而猶
待兮木無魚而必緣攫宋苗以望歲兮張越射而仰天
用干將而補履兮采明珠而升山求蘭雲于絆驥兮責
重蘭于紅鰲顧物理之必殆兮信余謀之所愆胡屈屈
而就直兮蜀抱方而遯圓譬秀木之必伐兮若芳膏之

自煎道與藝而交喪兮諒何往而弗捐慨周道之至廣
兮抱寘懷而靡釋追憤憤於韓子兮嗣七哀於魏植淪
幽憂于莊篇兮委牢愁于漢冊笑一握而非樂兮腸九
回而皆極甑既破而誰顧兮并未繡而可慙悞既往之
遺謂兮收方來之茂績願荷戈而為戍兮抗戎索之遐
封值占雲之入貢兮方鑄戟而務農願貨殖而為商兮
策鮮怒而流涕嗟漢律之排賈音古兮始抑末而返本願
採耒以歸耕兮輸春稅于民曹吁四體之不勤兮靡服
欽定四庫全書

楊朱而收淚憤懷玉以握瑜兮嘉佩蘭而襲芷懼衆狙
之怒目兮混羣駘而垂耳豈李廣之數奇兮將孟軻之
迂事發素蘊以周咨兮俟見伸於知己苟戶塞而不聞
兮信吾衰之久矣亂曰一瓢之空吾未知其窮兮萬錢
之豐吾不謂之通兮濯我之纓既遭時之清兮整我之
冠以待人之彈兮

傷賢賦 并序

為先友公孫子正作也蓋子正官於太學八年與予嘗
欽定四庫全書

僚者二歲觀其為人事親孝與士信深中夷澹毅然持
正陽休德輝見于顏間難進而易其祥急病而後於己
親之無令色遠之無稟言都中士大夫走高門趨下陳
無寒暑之避與槐柳皆列者蕩以成俗而子正為禮侯
官長初無造詣居常著書尤邃禮學然而好深沉之思
神期數千載間屬文而辭通雅臨帖而書臻妙予嘗謂
子正加於人一等矣無鬼責無人非大易之懿文德洪
範之考終命宜其享之而祿不過上農位不登寧定稟